



Bou ons kinders vir môre

Sondagskool 4

Lestitel: Die groot geskenk

'n Ouerhandleiding

Sondagskooltuisonderrig



Liewe Ouer

Welkom by die les: “**Die groot geskenk**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel

Die groot geskenk

Lesdoelwit

Die kinders is verheug dat God sy Seun die wêreld ingestuur het en in dankbaarheid gee hulle Hom hul hele hart.

Lesopsomming:

- Ons sal die drie lesse wat handel oor die geboorte van Jesus saamvat.

Die 1ste les - Jesus Christus is gebore:

- Die engel het vir Maria gesê sy sal 'n seun baar en sy moet hom Jesus noem.
- Josef en Maria moes na hul geboorteplek, Betlehem, reis om vir 'n volkstelling te registreer.
- Daar, onder die armste omstandighede, is die Seun van God, Jesus Christus, gebore.
- Daardie nag het engele die blye boodskap van sy geboorte aan die herders in die veld naby Betlehem bekend gemaak.
- Hulle het die baba Jesus gevind, Hom aanbid en God geprys en gedank vir wat hulle gehoor en gesien het. Hulle het almal van hul ervaring vertel.

Die 2de les - die wyse manne uit die Ooste:

- In 'n ver land het wyse manne 'n helder ster gesien.
- Hulle het besef dat hierdie ster die teken was van die geboorte van 'n baie spesiale koning.
- Na 'n lang reis het hulle die pasgebore kind, Jesus Christus, gevind.
- Hulle het hom aanbid en drie kosbare geskenke vir hom gebring: goud, wierook en mirre.

Die 3de les - Die vlug na Egipte:

- In 'n droom het 'n engel vir Josef gesê om saam met Maria en die kind na Egipte te vlug om Jesus van die wreedheid van koning Herodes te red.
- Herodes het beveel dat al die seuns onder die ouderdom van twee jaar doodgemaak moes word, omdat hy gevrees het dat hy nie meer die heerser van sy koninkryk sou wees nie.
- Na Herodes se dood is Josef weer in 'n droom opdrag gegee om na sy vaderland terug te keer.
- Josef en Maria het met die baba Jesus na Nasaret teruggekeer.

Die les van vandag is - die wonderlike geskenk:

- Ons moet baie dankbaar teenoor God wees dat Hy sy Seun na die wêreld gestuur het.



- Deur dit te doen, het hy ons almal 'n wonderlike geskenk gegee.
- Hierdie groot geskenk is 'n bewys van God se liefde vir die mensdom
- Ons wil ook aan God 'n geskenk gee.
- Die gawe wat ons Hom gee, is ons hele hart.

Hoe doen ons dit?

- Deur Hom lief te hê en soos Hy te probeer wees.
- Deur te wag op sy wederkoms en sy diensknegte wat in sy Naam werk, te aanvaar.
- Dit is 'n bewys van ons liefde vir God.

Wat beteken hierdie les vandag vir ons?

- Ons moet dankbaar wees vir die geskenk wat God aan ons deur sy Seun gegee het.
- Ons moet ons dankbaarheid bewys deur ons hele hart aan God en sy Seun as 'n geskenk te gee.

Sommige vrae wat ons kan vra:

1. Waarom moet ons teenoor God dankbaar wees dat Hy sy Seun in die wêreld gestuur het?

Antwoord: Deur dit te doen, het God aan ons almal 'n wonderlike geskenk gegee

2. Watter geskenk kan ons aan God en sy Seun gee?

Antwoord: Ons hele hart

3. Hoe gee ons ons hele hart aan God?

Antwoord: Deur hom lief te hê. Deur soos Hy te probeer wees. Deur op sy wederkoms te wag. Deur die diensknegte wat in sy Naam werk te aanvaar.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.